



## Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi  
(dum vixit) apud Erphordiam Turingiæ, Catechismvs  
Catholicus, summam Christianæ institutionis IIII. libris  
succinctim complectens**

**Klinge, Konrad**

**Coloniae, 1570**

**VD16 K 1309**

2. Quomodò Deus non vult adorari in creatura.

**urn:nbn:de:hbz:466:1-29452**

Dilectionis & timoris. Sic etiam verè & rectè adoratur hisce motibus cordis Fide, & dilectione, & timore perfecto: sine his virtutibus interioribus nihil foris proderit externus cultus cœremoniarum & operum. Hic in Spiritu cōsistit vera adoratio, vt Ioan. 4. veri adoratores in Spiritu adorant, cuius externus cultus signum & contestatio est.

Deus vult in sola sua persona vel natura adorari & coli, & non in creatura scilicet vt simul cum illo creatura adoretur & honoretur: patet hoc Exod. 20. vbi Deus p̄cepit Moysi, dicens: Hęc dices filijs Israēl, Nō facietis Deos argenteos vobis, neq; aureos, &c. quā si diceret, Nolo habere honorem & adorationē meam cum creaturis commixtum: ideo peccauerunt grauiter filij Israēl Exod. 32. in fabricatione vituli aurei, quòd huic vitulo tribuerunt simul honorem & adorationem Dei. Sine dubio filij Israēl sic erant edocti à Moysē per varios & multos sermones, quòd benē sciebant hunc vitulum aureū non fore Deum, quem erexerant: & quanuis vitulum non reputarūt Deum fore, attamen in hac creatura & forma vituli voluerunt Deum colere & adorare, qui eduxerat eos de Aegypto: ideo magna plaga secuta est in populo. Ne igitur fieret deceptio vel ex simplicitate vulgi, qui creaturam simul cum creatore adoraret, aut ex delusione Sathanæ, qui vbique conatur honorem & veram adorationē Dei extinguere, atque ad creaturas adorandas homines instigare, sicut facit in gentibus, qui adorant imagines habētes fictitias aures & ora &c. sicut propheta dicit Psal. 113. & 134. Aures habent, & nō audient &c. Et Dēmones sunt qui colunt in illis, vbi simul idolum & Dēmon adoratur. Ne igitur talis delusio aut deceiptio occasio foret nobis peccati, p̄cepit Deus strictissimè Deut. 4. & Leuit. 26. ne sculptam similitudinem aut imaginem masculi & fœminę aut iumentorum vel auium haberemus, nec

oculos ad cœlum eleuemus, videndo & adorando Solem & Lunam, & omnia astra cœli, ne sic decepti errorē adoremus ea quæ Dominus creauit in ministeriū cunctis gentibus, quæ sub cœlo sunt. Non vult igitur Deus adorari in creatura, sed solus in sua divina natura, essentia & virtute. At dices: Cur ergo Deus in humanitate vel simul cum humanitate Christi adoratur? & cur in Sacramento altaris, ubi sub specie panis adoratur? nonne humanitas, & panis vel vinū sunt creaturæ, non autem creator? Respondeo: Non homines non debemus Deum in creaturis auro vel argento adorare: Sed aliud est quod Deus assumpsit ad se, Et cui hoc dedit ex singulari priuilegio, vt una cū Deo colatur & adoretur, sicut est humanitas Christi, cui Christo Deus dedit tale nomen, quod est super omne nomen, vt in nomine Iesu flectatur omne genus cœlestium, terrestrium & inferorum, & omnis humanus confiteatur, qd Dominus noster Iesus Christus in gloria Dei patris est, Phil. 2 Ecce Deus dedit humanitati Christi, vt sit in gloria Dei patris, id est, vt honoretur & adoretur una cū Deitate, prout est illi coniuncta, alioqui separata humanitate, non adoratur: hoc autem nulli alijs creature dedit Deus pater, vt secundum in sua gloria; nam dicit per prophetam Esa 42. Gloriā meam alteri non dabo, sed hic excipitur humanitas Christi cui dedit Deus vt sit in gloria sua. Sic in Sacramento adoramus Deitatem, quæ inseparabiliter est Christi humanitati coniuncta in unitate personæ ipsius: non adoramus panem vel corpus Christi solum, sed diuinitatem adoramus ibi coniunctam corporis Christi: & hoc ideo secundum Apostolum, quia Deus dedit hoc humanitati Christi, vt sit in gloria Dei patris, id est, honore, adoratione &c. prout est inseparabiliter coniuncta Diuinitati. Est enim Christus filius Dei viui, Ioan. 1:1. ideo adoratur. Ita non adoratur crux Christi, prout est creatura: sed quia Christus, qui

in illa

riam p  
noratu  
creatu  
nam il  
in nul  
ipso taD  
adoran  
re DE  
ra. Ad  
essenti  
eaque  
DE VI  
quanda  
ad noſt  
nobis I  
Deus in  
magnif  
ctos su  
mihi m  
Galat. p  
laudam  
adoram  
fi & san  
funt qu  
bum De  
& opere  
tem virt  
vult alli  
litis, n  
re l

In illa passus est, Deus fuit & homo: ideo in memoriam passionis est crux, sed diuinitas Christi ibi honoratur & adoratur. Non vult ergo Deus in alia creatura adorari, sed in sua essentia & natura solum: nam illum honorem solus exigit sibi Deus, eò quod in nulla creatura ullum sit praesidium, quod non ab ipso tanquam authore proficiscatur.

Deus vult laudari in creaturis & sanctis, sed non adorari. Nam haec duo plurimum differunt, adorare Deum in creatura, & laudare Deum in creatura. Adoratio solam Deitatem respicit, & ipsam Dei essentiam & naturam credit, agnoscit & adorat, ab eaque auxilium petit, diligit, timet. At laudare Deum, respicit opus Dei, quod fecit in creaturis, quando gratias agimus illi, & laudamus quod illas ad nostrum usum creavit, mirabiliter ordinavit, qui nobis largitur eas & conseruat. Laudatur quoque Deus in sanctis, quando a nobis glorificatur propter magnifica illa beneficia, quae Deus contulit in sanctos suos. Sic cantat beata virgo, Lucæ primo. Fecit mihi magna qui potens est, & sanctum nomen eius. Galat. primo, & in me laudabant Deum. Sic sanctos laudamus in Deo, & Deum in sanctis, non autem adoramus. Sic imagines sunt solum memoria Christi & sanctorum suorum, nullo modo adorandæ: & sunt quasi libri laicorum, quibus student circa verbum Dei, quatenus sequantur CHRISTVM fidè & opere, sicut illi sancti cum secuti sunt: Nulla autem virtus ipsis est statuis adscribenda, neque Deus vult alligari certis statuis, humana autoritate positis, neque in illis adorari aut permixtum habere honorem. Soli igitur Deo honor & gloria sit, vt Apostolus ait, I. Timoth.

primo.

N

ALTE.